

一論二經九卷

共成八卷

卷一

宅一

佛說一切如來金剛三業最上秘密

大教王經卷第一至七

諸教決定名義論

佛說大方廣未曾有經善巧方便品

大宋新譯三藏聖教序

太宗神功聖德文武皇帝製

大矣哉我佛之教也化導群迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四生於苦海譯三藏之秘言天地變化乎陰陽

日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世

以難窮道無私而永泰雪山貝葉若銀臺之耀日歲月煙蘿起香界之自遠巍巍罕測香香難名所以道資十聖德被三賢至道起於軋元衆妙生乎太易物繁形類竅鑿昏明絕彼是非開茲蒙昧有西域法師天息災等常持四忍早悟三乘翻貝葉之真詮續人天之

聖教芳猷重啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌軌而彌光妙法淨界騰音利益有情俱登覺岸無成障礙救諸疲羸冥昧慈悲浩汗物表柔伏貪佞啓滌昏愚演小乘聲聞合其儀論大乘正覺立其性含靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆墮調御四衆積行十方澍華兩於金輪護恒沙於王闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩

惱於心田可以得清涼於宇宙朕慙非博學
釋典微閑豈堪序文以示來者如糜螢燭火
不足比之於皎日將微蠶量海未能窮盡於
深淵者哉

繼作聖教序

御製

宅一

二

高明肇分三辰方乃序其次厚載初定萬彙
於以發乎端清濁之體既彰善惡之源是顯
然後以文物立其教以正典化其俗利益之
功同歸於理於是乎像法來於西國真諦流
於中夏洞貫千古真實之理無以窮囊括九
圍玄妙之門莫能究言乎妄想則五蘊皆空
現乃真容則一毫圓滿廣大之教豈能紀述
者哉伏觀

太宗神功聖德文武皇帝法性周圓仁慈普
布化變猶則萬邦輻湊躋蒸民於仁壽之鄉
崇教法則四海雲從惠蒼生於富庶之域見
尊經之浩汗設方便以救沉淪知法界之恢

宏行精進而攝懈怠乃擇其邃宇校彼真文
命天竺之高僧譯貝多之佛語象管翻成於
金字珠編復置於琅函龍宮之聖藻惟新鷲
嶺之慈芻仰歎由是三乘共貫四諦同圓盡
苦空真正之言顯秘密精研之義讚相相乎
實相論空空乎盡空華嚴之理合軌轍金像

之教同規矩朕續嗣

丕構恭臨寶圖常翼翼而撫兆民每兢兢而
守先訓以至釋典尤未精詳諒其幽深曷能
探測有譯經西域僧法賢奏章懇切致意專
勤以先皇帝大闡真風高傳佛旨與前王之
墜典振覺路之頽綱欲旌天造之功庸用廣

宅一

三

聖文之述作請予製序繼聖教焉自

聖考上僊追號罔息政事之外何暇經心今
已禪除思臻微奧雖幼承

慈誨奈夙乏通才焉窮乎法海之津涯莫造
乎空門之闡域略敷大意以徇輿情蹄涔不
足擬浴日之波尺筆豈能量昊天之神聊述

短序以紀聖功者焉

佛說一切如來金剛三業最上秘密大教王經卷第一

西天譯經三藏聖教太子試滿願卿傳法師臣旌護奉 詔譯

一切如來金剛三業最上甚深秘密中秘密諸佛大集會安住一切如來三摩地大曼拏羅分第一

如是我聞一時佛住一切如來神通加持一切如來金剛三業一切如來正智出生變化清淨境界與不可數不可計一切佛刹須彌山量等塵數諸大菩薩眾俱其名曰金剛三昧菩薩金剛身菩薩金剛語菩薩金剛心菩薩金剛定菩薩金剛最勝菩薩金剛地菩薩金剛水菩薩金剛火菩薩金剛風菩薩金剛虛空菩薩金剛色菩薩金剛聲菩薩金剛香菩薩金剛味菩薩金剛觸菩薩金剛法界自性菩薩如是等菩薩摩訶薩而為上首是時有等虛空界一切如來所謂大毗盧遮那金剛如來阿閼金剛如來寶生金剛如來無量

壽金剛如來不空成就金剛如來如是等一切如來譬如胡麻徧滿虛空而無間隙是諸如來於虛空中一一出現

爾時世尊大毗盧遮那金剛如來於大眾中即入一切如來最勝自在大教三摩地此三摩地從一切如來莊嚴身入於是三摩地中

摠攝一切如來身語心業為大主宰隨順一切所求義故於一身中現諸影像作諸變化然復現本毗盧遮那佛身從是身中出三摩地由是變化故即時出現佛眼菩薩摩訶薩菩薩白衣菩薩多羅菩薩如是等菩薩出生而住又復出現色自性菩薩聲自性菩薩香

宅一

四

自性菩薩味自性菩薩觸自性菩薩如是等菩薩出生而住

爾時世尊阿閼金剛如來於諸如來清淨境界周徧十方廣大圓滿大三昧耶大曼拏羅中以加持願力故如理安住自性觀達種種色像出生變化無邊佛雲四方周密無所間

隙於中出現本尊曼拏羅廣大莊嚴住諸佛前如是出現已即於一切如來身語心金剛三業一切如來大曼拏羅中如理安住

是時世尊大毗盧遮那金剛如來阿闍金剛如來寶生金剛如來無量壽金剛如來不空成就金剛如來是諸如來皆悉安住金剛菩提心住菩提心已即入一切如來現前安住

金剛三摩地

又復安住一切如來吉祥清淨大金剛地乃至盡虛空界一切衆生一切皆得金剛薩埵而為加持復得一切如來最勝妙樂

尔時世尊大毗盧遮那金剛如來從一切如

來身語心金剛三業所生三摩地出已即現大持明人得一切如來大明加持安住乃至普徧無邊而悉加持此持明人從佛世尊菩提心出現其三面住諸佛前時諸如來一一皆見

是時世尊阿闍金剛如來等一切如來從大

宅一

五

毗盧遮那金剛如來心出三摩地已各作是言

大哉一切佛 悉轉菩提心 安住諸如來 秘密勝無礙

又復世尊大毗盧遮那金剛如來彈指召集一切如來時諸如來即時出現真實三昧化

諸寶雲雨寶供具供養世尊大毗盧遮那金

剛如來作是供養已頂禮恭敬作是言世尊我等皆欲隨自宣說一切如來秘密集會金剛精妙真實法門

是時世尊大毗盧遮那金剛如來即讚是言善哉善哉諸佛世尊善作善說是大希有所

有一切修秘密行諸菩薩衆得未曾有悉令了達秘密真實廣大法門斷諸疑惑如是功德最勝無比所有一切如來衆會一切如來灌頂金剛身語心秘密三業一切如來加持所作一切如來金剛三昧出生正句一切如來最極妙樂無上勝義乃至一切如來智現

前智因果等法隨自宣說今正是時

尔時世尊阿闍金剛如來受勸請已即入一切如來大智光明阿闍金剛三摩地從定出已任金剛三業宣說金剛部最上精妙自根本心大明曰

唵唎一縛日囉合二特哩合二俱半音

說此大明時彼佛世尊從一切如來身語心中出現持明人現黑白赤三種色相與阿闍如來大印相應安任最上根本一切如來金剛三業此持明人於東方坐是名金剛部主又復世尊寶生金剛如來即入一切如來寶生金剛吉祥三摩地從定出已以自三業宣

說寶部最上精妙自根本心大明曰

唵唎一囉怛那合二特哩合二俱半音

說此大明時彼佛世尊從一切如來身語心中出現持明人現黃白黑三種色相與寶生大印聚集相應入虛空界安任虛空界一切如來金剛三業此持明人於南方坐是名寶

宅一

六

部主

又復世尊無量壽金剛如來即入大蓮華教出生金剛三摩地從定出已以自三業宣說蓮華部最上精妙自相本心大明曰

唵唎一阿盧力俱半音

說此大明時彼佛世尊從一切如來身語心中出現持明人現赤白黑三種色相與觀自在大明王大印相應安任最上一切如來金剛三業此持明人於西方坐是名蓮華部主又復世尊不空成就金剛如來即入一切如來不空三昧金剛三摩地從定出已以自三業宣說三昧句召部最上精妙自根本心大

明曰

唵唎一鉢囉合二倪也引二合特哩合二俱半音

說此大明時彼佛世尊從一切如來身語心中出現持明人現白黑綠三種色相與不空金剛大印相應安任一切如來金剛三業此持明人於北方坐是名三昧部主

又復世尊大毗盧遮那金剛如來即入一切如來三昧出生金剛三摩地從定出已以自三業宣說佛部最上精妙自根本心大明曰

唵引一唵那唵俱半音

說此大明時彼佛世尊從一切如來身語心中出現持明人現黑白赤三種色相與大毗

宅一

七

盧遮那大印相應安住最上根本一切如來金剛三業此持明人於中方坐是名佛部主如是金剛部寶部蓮華部三昧部佛部等五部甚深秘密法門是即五種秘密解脫成就今時世尊阿闍金剛如來復入一切如來身語心持金剛調伏三昧三摩地從定出已以

自身語心宣說一切金剛部中一切上首明

妃根本心大明曰

唵引一訥尾引二合沙囉帝二

說此大明時彼佛世尊從一切如來身語心出現持明菩薩住女人色相於東南隅坐又復世尊毗盧遮那金剛如來即入一切如

來調伏金剛三摩地從定出已以自三業宣說一切如來部中一切上首明妃根本心大明曰

唵引一謨引賀囉帝二

說此大明時彼佛世尊從一切如來身語心出現持明菩薩住女人色相於西南隅坐

又復世尊無量壽金剛如來即入一切如來持蓮華調伏金剛三摩地從定出已以自三業宣說一切如來蓮華部中一切上首明妃根本心大明曰

唵引一囉引誅囉帝二

說此大明時彼佛世尊從一切如來身語心

出現持明菩薩住女人色相於西北隅坐

又復世尊不空成就金剛如來即入一切如

來語言三昧金剛三摩地從定出已以自三

業宣說一切如來三昧句召部中一切上首

明妃根本心大明曰

唵引一縛日囉合囉帝二

說此大明時彼佛世尊從一切如來身語心
出現持明菩薩住女人色相於東北隅坐
是四持明菩薩一一皆從一切如來明妃三
昧正智出生

今時世尊大毗盧遮那金剛如來復入徧照
金剛三摩地從定出已以自三業宣說安住

一切如來大曼拏羅中金剛大忿怒焰鬘得
迦明王根本心大明曰

唵引一野鬘引得訖哩合三咄半音

說此大明時彼佛世尊從一切如來身語心
一切如來大明根本出現大忿怒明王於東
門坐

復入一切如來現前正覺金剛三摩地從定
出已以自三業宣說安住一切如來大曼拏
羅中金剛大忿怒鉢囉研得迦明王根本心

大明曰

唵引一鉢囉合二研得訖哩合三咄半音

說此大明時彼佛世尊從一切如來身語心

金剛三昧大明根本出現大忿怒明王於南
門坐

復入一切如來法寶所作三摩地從定出已
以自三業宣說安住一切如來大曼拏羅中
金剛大忿怒鉢訖鬘得迦明王根本心大明
曰

唵引一鉢訖鬘引得訖哩合三咄半音

說此大明時彼佛世尊從一切如來身語心
一切如來語業行出現大忿怒明王於西門
坐復入一切如來身語心金剛三摩地從定
出已以自三業宣說安住一切如來身語心
曼拏羅中金剛大忿怒尾覲難得迦明王根
本心大明曰

唵引尾覲難引二合得訖哩合三咄半音

說此大明時彼佛世尊從一切如來身語心
一切如來三業行和合出現大忿怒明王於
北門坐

如是等大忿怒明王咸各安住一切如來身

語心大喜三昧耶大曼拏羅中

一切如來金剛三業最上甚深秘密中秘密

諸佛大集會菩提心分第二

尔時一切如來以金剛三業作大供養供養

毗盧遮那如來作是供養已成各說是伽陀

曰

我各樂說精妙法 最上金剛身語心

及說無上大菩提 一切如來秘密義

是時毗盧遮那金剛如來金剛三業大秘密

主聞諸如來說是伽陀已默然而住

尔時會中有諸菩薩咸各內心思惟是相卅

尊知已於大會中作如是言諸善男子若身

若心有所生相是為住相身心離相當何所

住語言分別亦復如是時諸菩薩聞是法已

皆悉安住一切如來堅固三業離一切相猶

如虛空生大歡喜咸作是言

大哉普賢大法界 堅固無動身語心

無生相應名所生 一切生法皆如是

是時一切如來各各安住堅固三業已即入

一切如來現前正覺金剛三摩地從定出已

咸作是言菩提心者當知無性性非無性性

亦非性若了此性即了無性如是了者即能

了達彼無上性彼了達故即無所得此即名

為一切如來安住堅固身語心業

尔時世尊大毗盧遮那金剛如來即入一切

如來現前金剛三摩地從定出已作如是言

當知菩提心者離一切性若蘊若處若界無

取無捨諸法無我平等出生而彼心法本自

不生是故當知我法自性即彼空性如是了

者乃名堅固住菩提心

生一

十

又復世尊阿閼金剛如來即入一切如來無

盡金剛三摩地從定出已作如是言菩提心

者無法無法性無生亦無我此性如虛空離

諸分別相如是子者乃名堅固住菩提心

又復世尊寶生金剛如來即入一切如來法

無我金剛三摩地從定出已作如是言菩提

心者即諸法無性離諸法相從法無我實際
所生如是了者乃名堅固住菩提心
又復世尊無量壽金剛如來即入一切如來
熾盛焰光金剛三摩地從定出已作如是言
菩提心者即無生法非性非無性如虛空句
相應而住於一切法亦如是行如是了者乃

名堅固住菩提心

又復世尊不空成就金剛如來即入一切如
來現前任金剛三摩地從定出已作如是言
菩提心者是即自性淨光明法非彼菩提有
相可得亦非現前三昧可證如是了者乃名
堅固住菩提心

尔時有菩薩摩訶薩名曰慈氏在大會中間
諸如來各各以自三業宣說秘密法性明句
及說菩提心法生大歡喜歎未曾有即於眾
中作如是言
大哉一切佛 大哉秘密法 宣說妙法門
真實清淨義 及說菩提心 我歸命稱讚

宅一

十一

從無我出生 一切佛菩薩 已離諸疑惑
無相亦無礙 皆住菩提心 及彼一切行
普賢一切義 從菩提心轉 及彼一切行
菩提行所生 堅固菩提心 我歸命稱讚
如來心清淨 是即菩提心 身語業堅固
名金剛三業 佛菩提所歸 我歸命稱讚

一切如來金剛三業最上甚深秘密中秘密
諸佛大集會金剛莊嚴三摩地分第三
尔時世尊大毗盧遮那金剛如來復入一切
如來變化大雲莊嚴金剛三摩地從定出已
即說大明曰
唵引一輸軋身切多引倪也合二那縛日囉二合

莎婆引縛引恒摩合二酤欣下呼郎同三切
說是大明已復說伽陀曰
於虛空界中 想佛曼拏羅 光明雲大嚴
佛平等焰光 五種平等光 成平等圓壇
五欲性解脫 名五自在行 住平等觀想
在佛影像中 徧照尊大印 三業相應住

金剛身語心 任大印觀想 阿闍尊大印

出生相應行 寶生尊大印 無量壽智光

不空成就印 想佛曼拏羅 現帝青大光

任堅固三業 持金剛大焰 大惡可怖相

現水精月光 莊嚴髮髻冠 持熾盛大輪

眾莊嚴清淨 現紫金色光 佛雲照諸部

九股金剛杵 執持而觀想 現珊瑚色光

金剛焰嚴飾 持大寶光明 熾盛雲普徧

現蓮華色光 莊嚴髮髻冠 持熾盛蓮華

想蓮華金剛 此五種光明 不空堅固相

善持智慧劍 想佛曼拏羅

說是伽陀已復入一切如來法界自性三摩

地從定出已復說金剛三業加持大明曰

唵引一達哩摩二馱引觀縛日囉二合莎婆

引縛引怛摩二酤引放三

說是大明已復說伽陀曰

現五種大寶 皆如芥子量 無比復最上

常住觀相應 此寶廣大住 無住復廣大

彼廣大寶雲 即佛平等光 現金剛大輪

出現大寶雲 持大蓮華藏 執本部器仗

復現善薩雲 廣大無邊際 作自在變化

一切皆無礙 於虛空界中 現月曼拏羅

自曼拏羅等 想大輪圓滿 蓮華曼拏羅

想金剛自性 寶曼拏羅生 自性清淨寶

相應曼拏羅 虛空相出生 即佛最上性

身語心成就 此堅固出生 具一切智相

一切如來金剛三業最上甚深秘密中秘密

諸佛大集會一切如來心曼拏羅分第四

尔時佛世尊 大毗盧遮那 復彈指句召

一切諸如來 是時諸如來 又復皆雲集

勸請毗盧尊 說曼拏羅法 諸如來寂靜

諸如來出生 最上法無我 願說曼拏羅

一切相圓滿 一切相莊嚴 普賢最上身體

願說曼拏羅 寂靜法出生 正智行清淨

普賢最上語 願說曼拏羅 諸有情大心

自性淨無垢 普賢最上心 願說曼拏羅

尔時金剛手 三界最勝尊
菩薩摩訶薩 諸如來大心
諸曼拏羅性 次第而宣說
大心曼拏羅 安住心金剛
信解心爲線 稱分量所作
住三業觀想 十二肘量作
大心曼拏羅 以智慧絢量

四方與四隅 四門四樓閣
圓滿無所缺 各住本尊印
輪中想金剛 現帝青大光
光焰可怖相 東方想大輪
南方想大寶 現衆寶光明
現蓮華色光 北方大利劍
出現熾盛光

東南隅佛眼 現青雲色光
摩摩枳出生 西北隅蓮華
東北隅青蓮 青雲色淨光
想沒訥譏羅 南門想寶杖
西門想蓮華 現熾盛劍光
及金剛瓶等 如是觀想已
成心曼拏羅

以金剛三業 作廣大供養 若住身供養
於身相無礙 若住心供養 了心性平等
智者善安住 具無量功德 諸佛吉祥句
虛空界莊嚴 若世間供養 香華燈塗等
得聖賢歡喜 諸菩薩敬愛
一切如來金剛三業最上甚深秘密中秘密

諸佛大集會一切明句行分第五

尔時世尊大毗盧遮那金剛如來金剛三業
大自在主大執金剛王一切處最勝自在善
說諸法一切行義及諸行相於大衆中作如
是言諸大士當知彼一切法離諸疑惑真實
出生若貪若瞋及癡法等此三平等了此法
性是即無上大菩提性如是了知已得一切
成就假使世間旃陀羅輩及諸惡類常起殺
害諸衆生心若能以淨信解修秘密者如是
等人皆得成就而能安住大乘秘密
復次若有造無間業諸衆生類廣造諸惡極
重罪已能起淨信修秘密者亦得一切最上

成就若有衆生造殺生業行不與取受諸邪
深起大妄語造如是等諸惡業者若能起淨
信解修秘密法如是等人亦得成就何以故
諸大士當知秘密法中若深若淨若怨若親
皆悉平等若了知者乃能安住最上大乘秘
密法要是即成就諸佛自性以如是故於一

切法得離疑惑唯除毀謗阿闍梨者如是等
人設使勤求於秘密法不能成就

是時會中有菩薩摩訶薩名除蓋障聞佛世
尊說是法已怪未曾有即白佛言世尊云何
於諸如來及大衆中宣說此義我昔未聞爲
法非法語耶願佛世尊爲我開曉

尔時世尊大毗盧遮那金剛如來即告除蓋
障菩薩言止止善男子莫作是說當知所說
即諸法性一切如來真實淨智諸法精妙勝
義出生如是名爲菩提行句
又復會中所有不可數不可計一切佛刹中
須彌山量等塵數諸菩薩衆聞佛說是法已

皆大驚怖迷悶躄地各作是念唯願世尊加
哀救護令我等輩還復本座

尔時世尊大毗盧遮那金剛如來知其念已
即入一切如來金剛三業虛空平等無二金
剛三摩地於其定中以金剛三業神通加持
即時諸菩薩衆咸得醒悟離諸怖畏而能各

各還復本座

是時一切如來見是事已皆大歡喜生希有
心咸以清淨深妙法音說是伽陀曰

大哉最上法 大哉法義生 法無我真實
歸命金剛王 身語心清淨 住虛空平等
離疑惑無礙 歸命金剛身 如來心最上

三際道隨轉 真如界離相 歸命如虛空

虛空身真實 虛空語善轉 虛空法清淨

歸命無所喻

一切如來金剛三業最上甚深秘密中秘密
諸佛大集會身語心加持分第六

尔時世尊阿闍金剛如來復入一切如來身

語心秘密三摩地從定出已宣說加持心大明曰

唵引一薩哩縛合二怛他引誡多迦引野縛日

又復世尊大毗盧遮那金剛如來出彼定已復入離塵金剛三摩地從是出已宣說加持

身大明曰

唵引一薩哩縛合二怛他引誡多迦引野縛日

又復世尊無量壽金剛如來即入無二平等金剛三摩地從定出已宣說加持語大明曰

唵引一薩哩縛合二怛他引誡多縛引吾縛合

日囉二合莎婆引縛引怛摩合二酤放引

此三金剛是諸如來大秘密句離諸觀想分別安住一切真言行相

又復世尊寶生金剛如來即入智燈金剛三摩地從定出已說此大明曰

積砂大藏經

金剛三業經

擊縛日郎二合莎婆引縛引怛摩合二酤放引

又復世尊不空成就金剛如來即入不空金剛三摩地從定出已說此供養諸佛大明曰

唵引一薩哩縛合二怛他引誡多布惹引縛日

如是當以五種無礙功德具五種行供

養諸佛如是供養已速得成就諸佛自性即能安住一切如來金剛三業是持金剛者

於自身語心三業而悉靜住照達廣大成就法門心住無我生大歡喜身語二業離諸有

相如是三業相應猶如虛空平等安住了達

身語心業自性皆無所得由是得與真言行相自性相應非智所覺非心所觀遠離有為

諸行造作而彼身語心相與彼菩提自性相應如是宣說大明儀軌

時金剛手尊住諸佛光明諸佛一切智

卍

第一一二册

說最上觀想 當任虛空中 想月曼拏羅

現諸佛影像 微妙行相應

應當觀想如是

參 唵字

當任於一心 想芥子滿空

秘密智儀軌 復任虛空中

觀想諸智句

想日曼拏羅

現諸佛影像 一切句圓滿

應當觀想如是

唵 吽字

復任虛空中 想輪曼拏羅

想金剛蓮華 復任虛空中

出現眾寶相 圓滿而觀想

出現佛眼相

想寶曼拏羅

復任空觀想

蓮華曼拏羅 金剛相相應 想蓮華金剛

復任空觀想 光明曼拏羅 現諸佛善相

最勝光圍繞 復現青蓮相 五股金剛杵

眾寶如交量 任心而觀想 復想八葉蓮

如左拏迦量 任心觀想已 迴向大菩提

輪等皆最勝 如儀軌觀想 成就菩提句

圓滿諸功德 大明行最勝 安住佛菩提

出生諸法句 住金剛三業

亦時金剛手 為利諸眾生 說諸清淨行

秘密中最上 於法分限中 處塵染無著

作秘密供養 是名心供養 若以甘露食

得成勝義果 最上真實法 離相菩提心

當以四種食 常依法而食 任三業秘密

一切皆成就 此四雖常食 而勿生礙想

離此四非法 當了飲食性 得諸佛敬愛

及菩薩智慧 諸相應行等 速成就佛性

欲界中自在 及諸有所作 得威光色力

一切皆敬愛 世有大大名稱 觀者如光照

一切佛秘密 諸菩薩最上

此名一切秘密大明行金剛三業真實法門

佛說一切如來金剛三業最上秘密大教王
經卷第一